

90 تفسير سورة الشعرا (9) من قول الله تعالى (قالوا أنؤمن لك واتبعك الأرذلون) الآيات 111-031

شوقى عبدالصادق

الحمد لله والصلوة والسلام على سيدنا رسول الله وعلى الله وصحبه ومن والاه كنا انتهينا الى ان سيدنا نوح مثل كل الانبياء والرسل الذين جاءوا بعده هو امين. والله عز وجل لم يرسل الا الامماء. من الملائكة او من البشر. نزل به الروح الامين - 00:00:00

اني لكم رسول امين امين. وجاء النبي صلى الله عليه وسلم بعد ذلك وقال صراحة الا تؤمنوني وانا امين من في السماء امينوا من في السماء يأتيه الوحي فسيدنا نوح امين على الدعوة وامين على الرسالة وامين على الناس وهكذا حال الدعاة الربانيين والعلماء الربانيين - 00:00:29

وعلى الناس ان يسقوا في هذه الامانة ولا ينذروا الى طعن الحقدة والمردة واعداء الانبياء والرسل لان كلنبي كما قال رب العزة وكذلك جعلنا لكلنبي عدوا من المجرمين - 00:00:56

ما في قرية ما في مدينة ما في بلد الا وفيها عدو للنبي عليه الصلوة والسلام. اعداء اعداء وما في مكان ولا بلد الا وفيه تابع للنبي صلى الله عليه وسلم. وان قلوا - 00:01:21

فلابد ان اعداء الرسل يعادوا مين ها اتباع الرسل حاجة يعني بديهية من الامور البديهية. واعداء الرسل هيقولوا ايه في حق اتباع الرسل؟ لازم يشوههم لازم يوصفهم بحاجات مش حلوة - 00:01:37

اذا كانوا امنا لا ما يبقوش امنا. يبقو خونة وهكذا. فالشاهد ده سنة في الخلق ليوم الدين فسيدنا نوح بيقول لهم اني لكم رسول امين انا حاجة في منتهى الامانة بالنسبة لكم يعني - 00:01:59

في النهاية اعترضهم على سيدنا نوح ايه لشخص نوح ابدا والله عارفين ان هو شخص لا غبار عليه امين فعلا؟ امين فعلا. اومال ايه المشكلة فيه؟ ايه المشكلة في الاتباع - 00:02:16

وهي برضو قضية النهاردة وقضية بكرة ولحد يوم القيمة. القضية المشكلة فين؟ في الاتباع في ازاي يعني ببقو هم يعني؟ ازاي هم بيفهموا ازاي هم مصلحون ازاي هم ناس طيبين - 00:02:32

واطهار واحنا لا هي دي القضية الكلام ده من امتى؟ من فجر الانسانية من اول الانسانية ما اتوجدت او من اول ما وجد الحق والباطل اهو نفس الكلام. قالوا له ايه بقى؟ قالوا انؤمن لك - 00:02:49

واتبعك الأرذلون انؤمن لك واتبعك الارذل. مين اللي قال كده؟ ها كبراء الكون كبراء القوم انؤمن لك واتبعك الأرذلون هم دول اللي بيحاوروا سيدنا نوح وبيقولوا له احنا نؤمن لك - 00:03:10

ودول اللي مشيوا وراك ما انتم عاوزين ايه عاوزين احنا كلنا نتبعك الاول وبارك الارذلون الاية تؤكد ان المؤمنين به اللي هم الارذلون في نزر الناس يعني. تؤكد ان المؤمنين به - 00:03:31

لم يكتفوا بالايمان به امال عملوا ايه اه امنوا له. اللي هي واضحة ايه يا اخوانا! انتم بتسرحوا ولا ايه انؤمن لك مش بك واتبعك الايه؟ يعني الارذلون عملوا ايه؟ امنوا بك ولا امنوا لك - 00:03:49

املو لك واتبعوك. ما هو ده المطلوب المطلوب ان احنا نؤمن للنبي عليه الصلوة والسلام. نكبر النبي عليه الصلوة والسلام. نجعله اماما نجعله قدوة انما نؤمن به وبس. يعني ايه يعني ولا يفيدك بحاجة - 00:04:12

ينجيك من الخلود في النار بس انما ممكن تدخل النار ممكن. امال ايه اللي هيخلصك من النار؟ تؤمن له يبقى الایمان به يفاديك من الخلود في النار انما لازم من الایمان له - [00:04:32](#)

شف الكلام ده جاي من اول انؤمن لك؟ مين اللي بيتكلم الكبراء؟ مش بيقولوا انوه من ايه؟ بك. واتبعك مش امن بك لا ماشينين وراك ماشينين وراك واتبعك. يعني انت قدامه هم وراك - [00:04:50](#)

واتبعك الارذل. يبقى بتوكل ان اللي امنه بين سيدنا نوح امنه له. يعني اتبعوه فيه لفتة كمان في الاية انؤمن لك واتبعك الارذلون ايش الارذل؟ احنا عندنا الرزل الريز اللي عندنا عارفين الرزل - [00:05:07](#)

ها الرزق في كل بلد يعني يعني بيتحدر نفسه في حاجة ما حدش طلب منه حاجة وتلاقيه دخل في الموضوع كده يخش في المجلس اي حاجة كده رزق تقول لك عليه رزل بس وكل المعاني دي لأ - [00:05:28](#)

كل المعاني دي ما لهاش علاقة بالارذل الارذل الضعفاء الفقراء الناس البسطاء اصحاب الحرف المتواضعة او يعني المحتقرة دول الارذل انؤمن لك اللي بيكلم السادة فالسادة شايفين الاجراء دول ارذل - [00:05:47](#)

الناس اللي ما لهمش وجهة في المجتمع دول الارذل الناس اللي لما لو حضروا ما حد بيحس بهم ان مشيوا ما حد بيحس بهم هو دول الارذل. الضعفاء هم دول برضه هم المشكلة يعني هم دول مشكلة الناس الكبيرة ايوة - [00:06:12](#)

فنسأل الله ان يجعلنا من هؤلاء اللي هم يعني واتبع الرسل بقى شف انؤمن لك يعني احنا ايه جايبينها من اول نوح ان شاء الله. ان شاء الله من اول نوح لحد محمد لحد القيامة ما تقوم ان شاء الله. هم دول اتبعنا بازن الله تعالى - [00:06:31](#)

مش هنمسي الا وراهم طب الوجاهة والمقام والقامة والقيمة لا لا احنا براء براء من قيمة وقامة القرآن من كل ده احنا عاوزين نبقي خلف نوح ومحمد صلي الله عليه وسلم - [00:06:47](#)

ويقولوا اللي يقولوه لان هم دول الاية بتشخص لنا وتبين لنا صفة اتباع الرسل. من امتى؟ من اول الانسانية ما اتوجدت اتباع الرسل هم مين هم دول. نسأل الله ان يجعلنا منهم - [00:07:08](#)

فيما اخوانا والله العزيم انتم زالمين انفسكم زلما كبيرا انا باقول لكم وباقول لكم باقول لكم في وشك زى ما بيقولوا يعني وجها لوجه. انت زالمين انفسكم والله العزيم زالمين انفسكم زلما كبيرا - [00:07:25](#)

لان انت حاسس انك ولا حاجة وايه يعني درس علمي يعني مسلا ولا يعني ايه صلاة ولا جمال لا لا كل الكلام ده ما لوش اي وزن في حياتك - [00:07:42](#)

مش وز لانك حاسس ما فيش عاوز انت عاوز حاجة حاجة حاجة تقيلة. حاجة حلوة في البلد كده حاجة الناس كده عربية حلوة مشروع كبير صفة كبيرة ها تعمل حاجة كده الناس داخلة وخارجية - [00:07:55](#)

وتهز العالم كده ما شاء الله! هو ده اللي انت عاوزه انما عاوزه تبقى مع اتباع الرسل او من اتباع الرسل؟ لا لأ مش عاوز انت دي خالص ولا ولا بيتحرك فيك ساكن اصلا - [00:08:13](#)

شيء مش مغري زلم انت بتظلم نفسك لما القرآن اللي انت بتدععي انك مؤمن به بيقول لك كده. بيقول لك هم دول الرسل هم دول اللي اتلموا حوالיהם. انت فين انت - [00:08:28](#)

انت فين خلي اي حد كده يعمل لك مشروع دنيا تزهזה معك. سيب الدين ده كله بلا دين بلا بتاع شف وبعدين ايه هيجي لك ابليس يخش لك من حة تانية كده يقول لك طلع لله واعمل لله ماشي طلع لله واعمل لله بس فين الدين؟ هو هو شوية الفلوس - [00:08:43](#)

حضرت الدين في قرشين بتطلعهم. لا لا لا ربك عاوز كده اصلا عاوزك عاوزك موجود في حياة الناس الناس تحس به وتحس ان فيه دين انما فلوس ايه يا ابو فلوس - [00:09:02](#)

ده الناس ما بقتش عارفة حتى تحط الفلوس فين وتحط في ابواب خطأ في خطأ عجن عجن مش عايز يطلع الفلوس فيه يقول لك اجهز اجهز اجهز بتجي بتتجوز. يا سلام - [00:09:22](#)

طب ما تحفz ولد قرآن تيكيش ما تدي محفظ يقعد عاوزين تقدر واحد نربطه بسلسلة يحفز الاولاد قرآن عاوز كم يعني؟ يعوز اللي

يعوزه. بيته يفتح ويبيقى مش محتاج حاجة ونحفظ جيل ورا جيل دفعه ورا دفعه - [00:09:36](#)
ايه الكلام ده ايه الكلام ده مش موجود اصلا. شجع الاولاد على الحفظ. يجهز لي. يجهز عرائس. وسقف الجهاز ما بيخلصش
وهات يا جدع. ما هو فلوس مغفلين - [00:09:59](#)

واللي تجيئه لا ده مش حلو تديه للتاجر وتجيب احسن منه مش موضوعنا بس انا عاوز اقول لك نصرة الدين دي كلها مداخل
شيطان دي كلها مداخل شيطان. تسيب الدين واقصى حاجة عندك قرشين بتطلعهم وخلاص لأن مش هو ده - [00:10:13](#)
لان اللي نصروا الدين ما كانش معهم فلوس اصلا. من اول نوح والا لو كان معهم فلوس ما بيقوش الارزلون مش كده ولا ايه؟ ما هو
اللي بيكلم مين؟ السادة والساسة اللي معهم الايه؟ وبيقولوا على التانيين اسمهم الايه - [00:10:31](#)
الارزلون وهم نفس الارزلين اللي وقفوا جنب سيدنا النبي. بلال عمار زيد ابن حارثة سلمان طيب ما فيش فلوس ده بلال نفسه بينبع
ويتشلهم دولهم دول اتباع الرسل - [00:10:47](#)

الركعة اللي انت بتصليها يا جماعة في المسجد دي هي دي النصرة درس علم نصرة حفظ اية نصرة حنة الخلقة اللي المرأة بتغطي
بها وشها دي نصرة الدين مش بالملائين اللي بتندفع. خلي واحدة متبرجة فاتحة بيول من بابها - [00:11:09](#)
احسن منها مليون مرة اللي سترت زينتها احسن مني خلي فلوسك ليتي الدين مش هينخسر بکده. هتقول لي ان الله اشتري من
المؤمنين انفسهم وايه واموالها. بس بدأ بيأيه بانفسهم - [00:11:30](#)

قبل اموالهم الاول. انا مش هادي مالي وافضل بنفسي واشح على ديني لازم النفس تطلع المال كله وما تعمرش بيت الله ما
تصليش جماعة في المسجد مردود عليك. كل ده مردود عليك - [00:11:46](#)

كله مع بعضه الصديق وهو اللي وقف مكان النبي صلى الله عليه وسلم يصلى بال المسلمين وهو اللي طلع كل ايه الاتنين مع بعض الاتنين
مع بعض لا مش واحدة. عن عبدالله بن عباس ان ابا سفيان بن حرب. شف انصار النبي في كل زمان ومكان شكلهم ايه - [00:12:03](#)
عبدالله بن عباس بيقول ان ابا ابا سفيان اخبره ان هرقل ابو سفيان كان في الشام لسه على الكفر هرقل بعت له وسمع عن النبي
عليه الصلاة والسلام فقال اعرف اعرف من الناس القريبة منه بعت لمين؟ لابي سفيان - [00:12:25](#)

يسألوه عنه فبيقول له ايه؟ كيف نسبة فيكم؟ هيسأل على النبي عليه الصلاة والسلام بس حديث يقول بس انا هاخد منه الشاهد بس.
كيف نسبة فيكم؟ يعني ابن مين؟ من عيلة ايه؟ قبيلة ايه - [00:12:42](#)

قلت اي ابو سفيان هو فينا ذو نسب من عيلة فعلا هو من عيلة فرع هاشم ده فرع محترم فرع مية مية وقريش كمان قال فهل قال
هذا القول منكم احد قط قبله - [00:12:59](#)

يعني حد قال اللي قلبه قلت لا ما حدش قال الكلام ده خالص ولا حد جه باللي هو جابه خالص قال فهل كان من ابائه من ملك كان في
ابوه المباشر او ابو ابيه حد ملك يعني قال له لا ما فيش ملوك - [00:13:16](#)

ما فيش ملوك. قلت لا قال فاشراف الناس الشاهد اهو. فاشراف الناس يتبعونه ام ضعفاؤهم؟ طب ما هو ابو سفيان اللي
واقف قدام هرقل ده من ايه؟ من شرف الناس. ضد مين - [00:13:36](#)

هرقل بيسأل وابو سفيان لازم يجاوب بصراحة لان لو غلط وكذب هيشه وهو خايف او يتشد وتنمسك عليه كزبة فبقول له اشرف
الناس ام ضعفاؤهم اللي بيتابعوه قال بل ضعفاؤه - [00:13:57](#)

هم دولهم دول بلال عمار صهيب نسأل الله ان يجعلنا منهم وفي زمرتهم قال ايزيدون ام ينقضون يوم بعد يوم بيزيدي ولا بيقل ؟
قال لا بيزيدي. وطبعا ابو سفيان بيقول هو بيتحسر. بيزيدي هو اللي بيقول له. قال له بيزيدي يقول - [00:14:17](#)

قال فهل يرتد احد منهم سخطه لدینه بعد ان يدخل في قلت لا قال يعني لو واحد منهم اسلم بيرجع تاني قال له لا ولا واحد اللي
بيدخل عمره ما بيرجع. فهراق اللي بيأسله وبيقول له - [00:14:38](#)

حد بيرجع من الدين ده قال له ابدا ابدا وطبعا في زنهه بلال واللي بيحصل للال ضرب واهانة وسحب في ارض مكة وسابت مش
راضي يتزحزح وعمالين نعمل فيه ومار - [00:14:57](#)

ده عزوة ابو جهل يسوء في الجهل على اعماق وياسر والعليلة كلها ما حدش راضي يسيبه ابدا. دي هم دول انصار مين هم دول الایه
الارذلول اللي بيقول عليهم هم مش ارزلون ده هم العظاماء - 00:15:15

بس في نزر السادة ان هم دول ايه ؟ قالوا انؤمن لك واتبعك الارذلون. الله طب لو اتبعني السادة كنتم هنتبعونني ؟ لا هي تمحيكم
خلاص. هي تمحيك هم صدقيني وكل حاجة. بس تمحيك. زي اللي حصل برضه ما طلبه من سيدنا النبي اطرد واحنا ايه - 00:15:32
واحنا نيجي نقدر معك والرسول ما طردتهم طبعاً قرأت هذه الآية انؤمن لك واتبعك الارذلون قرأها يعقوب لوحده اللي نقل قراءتها
عن سيدنا النبي انؤمن لك واتبعك الارذلون واتبعك الارذلون - 00:15:55

واضح كده ولا ايه ؟ انؤمن لك واتبعك الارذلون ايوة ايه المشكلة يبقى هو العيب في ولا في الارذلين ولا في المنهج ولا في ايه ما
فيش عيب لا في اي لسيدنا نوح ولا في المنهج ولا في الارذلين. العيب فيكم انتم - 00:16:19

العيب فيكم انتم انؤمن لك واتبعك الارذلون. يعني لو اتبعك كان السادة كنا ايه ها هنؤمن زي في سورة الاحقاف لو كان خيراً ها ما
سبقونا ايه ؟ والله العظيم هو خير. بس هو عيب الناس كده - 00:16:38

عيب الناس كده انت تلاخزها في حاجات بعيد عن الدين يعني تلاقيها في حاجات دنيوية برضه. لو انت مسلاً مدرس في مدرسة ولا
يعني مهندس في مصنع ولا في اي حاجة ولا مسلاً - 00:16:57

عضو في اي حاجة وعندك فكرة حلوة وقلتها بس طالما ما طلعتش الفكرة دي من ايه ها من اكبر راس في الحلة تبقى ايه ؟ مش
حلوة. اهم حاجة تطلع من ايه ؟ من دماغه هو. وادي الغباء بقى - 00:17:08

ما هو ده الغباء ده القائد او او الزعيم الفاشل ان عاوز كل حاجة تطلع منين ؟ يا اخي ما تسيب الناس برضو سيب الناس سيب
الناس تطلع حاجات في عندنا بعيد عن الدين كمان تلاقي الانسان الفاشل لما يلاقي فكرة حلوة كده لأن تطلع من عنده هو يطلع
فيها ميت حاجة ويرفضها ويحاربها - 00:17:23

كده يعني. نفس الكلام انؤمن لك واتبعك الارذلون اي ما تؤمنوا ايه المشكلة ؟ خل بالك انؤمن ايه ها ؟ لك يعني احنا مش شاكين فيك
انت فعلاً رسول. يبقى مؤمنين بايه - 00:17:46

في السر في الخبرة عاززين نؤمن لك بقى بس ما اكونش اتبعك الایه ؟ والقراءة المشهورة اللي عندنا قراءة الجمهور انؤمن لك
واتبعك. اتبعك دي فعل ماض ماشي ؟ انما اتبعك يا سلام! بتوصف - 00:18:03

بتوصف اتباع سيدنا نوح يعني مش قد بقى اي حد تاني مش اتباع اي حد اتباع نوح بس واتبعك يعني ما ابعوش برضو حد تاني ما
بعوش هو اهم ما تبعوش دماغتهم. اتبعوا سيدنا نوح - 00:18:21

اه دي شهادة يا اخوانا من الاعداء لمين ؟ للارذلين. انؤمن لك واتبعك دي الشهادة اهي شهادة شهادة بالجنة ؟ اه ان شاء الله شهادة
بالجنة. طب ودي شهادتهم تنفع ؟ تنفع تنفع لصالح الناس دي. ما هو الخير ما شهد به الایه ؟ الاعداء - 00:18:36

الاعداء بس تدخل الجنة لأن هو ربنا اللي هيدخلهم الجنة بس دي شهادة شهادة في صفهم اه لا لا هاي اي نعم. نعم حال بينه وبين
الامام قال وما علمي بما كانوا يعملون - 00:18:58

قيل بها دي من سيدنا نوح دي ؟ اي بقول وما علمي بما كانوا سبحانه الله ! يعني ايه يعني حكم لهم ولا حكم ايه ؟ سيدنا نوح
توقف توقف - 00:19:23

توقف ليه ؟ هو فعلاً يتوقف لو ان عنده علم من عند الله بعمل هؤلاء في الظاهر حلو عملهم في الظاهر ايه ؟ حلو. طب
عملهم في الباطل الله اعلم - 00:19:39

طب الباطن والظاهر لما رده الى مين فعلشان كده قال وما علمي بما كانوا يعملون انا هم في الظاهر حلوين حسابهم على الله بقى. قال
وما علمي بما كانوا يعملون. فعلاً - 00:19:55

الانبياء لا تعلم الغيب يا اخوانا. الانبياء. لزلك احنا زكرنا قبل كده في الحديث الرهيبة اللي كان سيدنا علي باعاتها من من اليمين
والاصول بيقسمها وسيدنا خالد قال له اضرب ايه - 00:20:11

دعني اضرب عنقه. ازاي يتطاول على سيدنا النبي؟ قال له لعله بيصلني. قال له ما كم واحد بيصلني؟ قال له انا مش مأمور اشقد عن ايه صدور الناس. هي نفس الكلام. فسيدنا نوح يقول وما علمي بمكانه. الظاهر بتاعهم لا طاعة - 00:20:26

واحسبهم على الله. لزلك يقول رب العزة عالم الغيب فلا يظهر على غيبه احدا الا من ارتضى من رسوله ان حسابهم الا على ربى لو تشعرون. يعني حسابهم مش على. هم في الظاهر حلوين وصالحين. حسابهم على الله. انتم بقى اشغلوا نفسكم - 00:20:44
بایه؟ بانفسكم. زي ما ربنا قال للرسول كده برضو شف بقى من سيدنا سيدنا نوح لسيدنا النبي يقول له ولا تطرد الذين يدعون ربهم
ايه بالغداة والعشاء يريدون وجهه. ما عليك - 00:21:04

من حسابهم من شيء وما من حسابك عليهم من اومال حسابهم على مين؟ زي ما سيدنا نوح ان حسابهم الا على ربى. وما من حساب عليهم من شيء فتطرده ف تكون اوعى تطردهم. واكد بقى سيدنا نوح قال وما انا بطارد المؤمنين - 00:21:19
عمرى ما هطرده الا انه يفهم من كده لما لما يقول وما انا بطارد المؤمنين يبقى طلبوها منه ايه طردهم ترى طلبوها منه لأ قال وما بينفي
وما انا دي نفع وما انا بطارد المؤمنين - 00:21:39

ان انا الا نذير مبين. لكم و لهم. تسمعوا كلام اهل ما تسبوش انتم حرين. يبقى الاية تفيد انهم طلبوها من نوح فرض المؤمنين عنه وانه
رفض ذلك وتفيد ان صناديد كل امة - 00:21:57

صناديد كل امة صناديد كل قرية صناديد كل دولة في كل حة كده صناديد وقمن كده في الضلال هم اللي بيطلوا الحاجات دي.
يفركشوا الطاعة يفركشوا الصلاح. اي حاجة. لا - 00:22:14

طبعا بيطلوا من طلبوه من نوح قال وما انا بقارض ممك اطلبه من غيرهم لو ما فيش رسول بقى انا ممك اطلبه من حد ايه؟ له نفوز
مشي الناس دي اعمل كذا اعمل ليه - 00:22:32

هو كده هاي نفسى المنطق واحد يا اخوانا ما بيتغيرش ما بيتغيرش وما انا بطارد المؤمنين. يبقى طلبوها منه ايه ها؟ طرد الموت.
يبقى الموضوع ده ماشي لحد يوم الدين. ان ما كانش - 00:22:42

يبقى حد يصاحب كلمة وصاحب قرار واضح ولا مش واضح؟ اه ونوح ما بيحابيش حد. وكل الانبياء ما بيحبوش حد. ان انا الا نذير
مبين. انا بنزل الناس وخلاص. اللي يسمع يسمع وما يسمع انه يسمع - 00:22:58

طيب كلام كده وصل لطريق ايه ها طريق مسدود طريق مسدود. احنا هنؤمن بك واتبعاك الارزلون طب اطردهم لأ مش طاردهم انا
بنزركم لكم خلاص الموضوع خلص. ما عدش فيه نقاش تاني - 00:23:14

خلص الكلام يعملوا ايه بقى؟ طب وبعدين خلصوا؟ الكلام خلص بس يروح مش هيبطل ولا هييطل ده ده دعوة ده رسالة مش هييطل
فلزلك شف الاية اللي جاء بعدها قالوا لان لم تنتهي - 00:23:29

ينتهي يعني ايه ها؟ يعني يبطل. هو مش ايه؟ مش هييطل. عمره ما هييطل. يبطل ازاي؟ هو جاي لي كده اصلا اتفضل
قال قالوا لئن لم تنتهي نوح لتكونن من المرجومين. الاية ما قالتش ينتهي عن ايه - 00:23:45

هو بيعمل ايه وهم نفسهم ان هو ينتهي عنه. الاية ما قالتش. بس قالت في مكان تاني. قالت وبيعمل ايه وبيقول ايه اخرى يقول رب
العزza ان هو بيأمر بالتوحيد وبيعلم الناس التوحيد. في سورة مسلا الاعراف لقد ارسلنا نوحا الى قومه فقال يا قوم اهو - 00:24:07
هنا آآ لان لم تنتهي انتهى عن ايه؟ ما قالتش ايه؟ هو بيقول ايه ولا بي عمل ايه؟ فمواقع تانية بيقول ايه؟ وعمال يزعجهم كل شوية
يقول في الداخلة والخارجية لقد ارسلنا نوحا الى قومه فقال يا قومي اعبدوا الله ما لكم من الله غيره. اهي دي بقى اللي بتوجع. زي
سيدنا النبي قولوا لا الله الا الله تفلحوا - 00:24:28

قولوا لا الله الا الله تفلحوا. يبقى هنا آآ اعبدوا الله ما لكم وفي سورة هود نفس الكلام ولقد ارسلنا نوحا الى قومه اني لكم نذير مبين الا
تعبدوا الا الله اني اخاف عليكم عذاب يوم اليم. في سورة المؤمنون ولقد ارسلنا نوحا الى قومه فقال يا قوم اعبدوا الله ما لكم
00:24:51

من الله غيره. افلا تتقون؟ في صورته هو في سورة نوح ان اعبدوا الله واتقوه واطيعوه. يبقى التفاصيل كلها ايه؟ عمال يقول اهو

ساكت مش ساكت مش الدعوة الكلامية مهمة جدا - 00:25:12

ولها تأسير لها اقول زن زن على دماغ الناس. ذكر الناس بالحاجة. شف اي حاجة في التليفزيون او اي حاجة بيحبو انهم يروجوا لها تلacci كلام صح ولا مش صح؟ لحد ما الايه ها - 00:25:27

ترسخ في الدماغ ايا كان بقى ايا كانت صح او غلط النوم ايه كلام كتير عليها تفضل كده لتن لم تنتهي نوح لتكون من المرجومين المرجومين اهي دي بقى السنة السيئة سوها ليوم الدين - 00:25:43

اول مرة تنس زى سنة ابن ادم لما قتل ايه ها؟ اخاه. اهي نفس الكلام هي بقت سنة بقى انقطعت طبعا كل الحجج وكل السبل ما بقاش فيها الا صوت القوة والضرب والغشم - 00:26:05

يكون تحديث بالطوب ضرب بالعصي ضرب بالسيف اي حاجة بقى اي حاجة. كل ده يدخل تحت الايه؟ الرجم راكبة بالحجارة ردم باي حاجة. المهم ان احنا ايه وصارت سنة بقى. الناس دي سنة دي طبعا لهم وزرها وزر من ايه - 00:26:20

عامل به سنة الايه؟ ازاء المصلحين. سواء كان هذا المصلح رسول او عبد صالح الله! هو السنة دي ما استمرت لحد ما قتل يحيى. صح ولا مش صح وابوه زكريا قتل كان بيقتل له ليه؟ ما هو ده نوع من الرد - 00:26:41

قتل وقبله كمان مين؟ سيدنا ابراهيم. سنة بقى سنة الرجم بقى. سنة رجم الرسل ابو ابراهيم يقول له اراغب انت عن الهتي يا ابراهيم لتن لم تنتهيها لارجمنك. واهجرني ما ليك. يبجي سيدنا لوط - 00:27:01

الطاهر النصيف العفيف يقولوا له ان لم تنتهي يا لوط لتكون من الايه؟ الله! كله بقى كله بيضرب! اه كله بيحدف بالطوب ايوة او بيحدف بالكلام؟ ايوة. وجاء رجل من اقصى المدينة يسعى قال يا موسى ان الملا ايه؟ يأترون بك - 00:27:20

ليقسوا لنا بقى خلاص بقت سنة. ما هو مين اللي عملها؟ قوم نوح لان لم تنتهي يا نوح. ما هو لسه ما فيش رسل اتقتلوا ولا رسل انضروا ولا ولا اهينوا. هم - 00:27:41

ما العمل الايه؟ سيدنا النبي نفس الكلام فكرروا انه يعمل فيه اي واحدة من التلاتة دول واذ يمكر بك الذين كفروا ليثبتوك او يقتلك او يخرجوك. يثبتوك يعني يسجنوك ويعتقلوك. يثبتوك او ايه - 00:27:51

او يقتلوه. قتل معروف القتل او يخرجوك ينفكوك. اي حاجة من دول. بقت سنة خلاص سنة ايه؟ الاعتداء على الرسل. سنة الاعتداء على المصلحين. سنة الاعتداء على العلماء الربانيين. بقت سنة خلاص. لازم نعمل اي حاجة - 00:28:07

واللي هيمشي في الطريق ده لازم يعرف كده. وينتظر دي وبحتسبيها عند الله. لان قبلك اعظم منك ملايين المرات واتعرضوا لكل ايه؟ لان لم تنتهي يا نوح لتكون من الايه؟ من المرجومين - 00:28:25

طيب هيرجموه طب وبعدين مشكلة مشكلة ما فيش بقى خلاص وصلنا لطريق مسدود وصلنا لطريق مسدود فما فيش بقى غير ان ايه يلجا الى الله. مش لاقى حد هيروح لمين - 00:28:43

وزي ما قال في الصورة بتاعته سورة نوح انك انتظرهم ها يضلوا عبادك ولا يلدوا الا فاجرا هروح فين تاني؟ كل الرتبة والجيل اللي طالع كده دول اسوأ من اللي قبليهم واللي طالعين اسوأ من اللي قبليهم وهكذا وهكذا. لا يلدوا سبحانه الله مع ان الرسول يقول كل مولود يولد على الايه - 00:29:00

لا الله الا الله على الفطرة دول يلدوا فاجرا كفارا. مولودين على الفترة؟ ايوة بس العيال بتطلع مجرد ما يبدأوا ينطقوا ومدرء ما يبدأوا هم مولودين فعلا على الفترة بس مجرد ما يبتدئ يميزه يشربه الكفر. بيرضعوه - 00:29:22

بيرضعوا الكفر مع البن اللي بيرضعوه والفطرة بتاعتهم بتتغير فقال بقى ايه؟ قال ربى ان قومي كذبون. اعمل ايه بقى انا خلاص ما عنديش حيلة تاني. ربى ان قومي كذبون. كذبوني - 00:29:41

كذبوني فافتتح ببني وبينهم فتحا يعني احكم الفتح هنا معناه الحكم فافتتح ببني وبينهم فتحا. يعني احكم ببني وبينهم ايه؟ حكما قومي كذبون بالشها هنا شهد عليهم بالتكذيب انهم كذبون. وطلب من الله الحكيم سبحانه وتعالى ان يحكم بينه وبينهم - 00:29:55

وطلب النجاة للمؤمن طلب النجاة للمؤمن. استجابة الله سبحانه وتعالى في موضع آخر دعا عليهم. هنا طلب الحكم. يعني ايه؟ احكم بيني وبينهم يا رب. وخلاص. هناك بقى لا دعا دعا لهم. دعا دعا - 00:30:18
كده دعاء ايه؟ دعاء مظلوم. دعاء مغلوب. دعاء ربه سورة القمر. دعاء ربه ايه؟ مغلوب فانتصر ففتحنا ابواب السماء بماء منهر وفجرنا الارض عيونا فافتتح بيني وبينهم فتحا ونجني ومن معى من المؤمنين فانجيناه ومن معه في الفلك المشحون - 00:30:33
في الفلك المشحون المصطلحات دي اول مرة تزهير مشحون فولك ومشحون ايوة. وليه اسمه فولك مشحون؟ ليه اسمه مشحون؟ قال لان اول فلك واخر فلك تتشحن بالطريقة دي اول فول طب ما هو انا بقول اخر فلك ليه؟ ايوة لان الفلك النهاردة متخصصة. سفن تبقى متخصصة - 00:31:02

اما السفيني بتاع سيدنا نوح دي مش متخصصة فولك ايه ها؟ مشحون سمي مشحون لانه شحن فيه جميع اصناف المخلوقات لو حتى في سفن بتجيب لنا بقر من برة مسلا يعني ولا مواشي من برة بتدر لبنا ولا حاجة. بتجيب مواشي وتجيب بقر وخلاص. او ممكن غنم مع مسلا - 00:31:27

انما مسلا مسلا هتجيب ايه؟ هتجيب آآ مسلا حمير معها هتجيب مسلا اسود هتجيب نمور. ابدا دي حاجة دي حاجة ودي حاجة مشحون بقى لان مشحون قل نحمل فيها ايه؟ من كل زوجين اثنين. وان جابت حيوانات ما بتجيبش - 00:31:52
حبوب ما بتجيبش حبوب لا اشحن حبوب كمان وان جابت دي ودي ما بتركيش معهم ايه ها ناس. الناس بتركب في سفينة خاصة وفي مكان خاص. لا كله كله علشان كده - 00:32:13

والفول كلها عمر ما في سفينة اتشحنت بالطريقة دي ابدا ومش هيحصل عشان تبقى سفينة نوح هي الاساس وهي اليمان في كل الایه؟ لكل السفن في الفول المشحون مملوءة بكل الامتنعة وذكر وانسي - 00:32:28

ثم اغرقنا بعض الباقيين راح طبعا معهم مين بقى؟ السادة طب والارزلون فين الارزلون في السفينة اه تفاصيل الاغراق هنا هنا الایة جت في في الشعرا ثم اغرقنا بعض الباقيين خلاص غرقوا وراحوا لحالهم وخلاص - 00:32:49
انما بقى ازاي غرقوا بقى والتعزيب بقى في الغرق والغرق ده ربنا يعافينا يا اخوانا ولذلك الرسول عليه الصلة والسلام جعل للغرق شهيد بتتعزب بتتعزب فعلا على قبلة روحه ما تطلع والماء بقى تخش الرئتين وضغط في النفس والصراع مع الموت فعلا الغرق - 00:33:09

صعب صعب جدا وعلشان كده بس الرسول جعله الشهادة اللي هو غرق كده في طاعة ايوة مش رايح ياها. عارف انت اللي هادي؟ عارفها عارف اللي بين قوسين؟ ربنا يعافينا - 00:33:30

اه وغرق ما يغرق هو كان بيعمل ايه انما رايح يأكل عيش صياد طالع قاصد وجه الله يجيب سماكية لعياله والمهجوم ما كنش في دماغه الموج يحصل اللي يحصل. الجو يحصل. ايا كان بقى وغرق مات - 00:33:47
طالع عمرة طالع حج سفينة او غواصة بحرية او غيره راح تحارب لتكون كلمة الله هي الایه هي العليا وغرقت كل ده شهيد. الغارق شهيد غرق في طاعة انما غرق في معصية لا ياخذ شيل ازاي - 00:34:04

هي عيل مقتشة بنوزع لأنو غرق في طاعة فهنا بقى ايه؟ طبعا دول والا يبقو دول شهداء مش كده ولا ايه سم اغرقنا بعض الباقيين بيكوا ايه شهدا ما الناس مساكين اهم وناس غلابة وبيصوتووا اكيد كانوا بيصوتووا. واكيد طبعا ايهرأيك في ثم اغرقنا بعده الایه ها - 00:34:29

البقية الباقيين دول هل هم كلهم سنة ولا فيهم ناس مساكين تفيه وناس مظلومة ايوة فيهم ناس مظلومة. طبعا الله وتفتكر لما غرقوا يعني مسلا ولد عنده سبع سنين يغرق ولا ما يغرقش - 00:34:52
ها؟ لسه بيرضع غرق ولا ما غرقش؟ غرق بعض الباقيين كله غرقوا مين اللي زلم الناس دي الاسلاف الانجاس شف السنة السيئة شف السنة السيئة كانوا ناويين يكفروهم وكانوا هيكفروا فعلا - 00:35:14
كانوا هيكفروا فعلا لان اصل هو الغرق هو الغرق خده الكبار وسابوا الصغيرين لا. خد كله ان شاء الله كل رضيع ان شاء الله اكون طفل

رضيع غرق مع دماوه - 00:35:40

هو بس لم ينجو الا مين اللي مامنين بروح بس والباقي كله غليت. ايا كان عمره ايا كان عمره كله يفرق كله يقرأ وكان مصيره ايه؟ مصيره الكفر كانوا هيختاروا الكفر زي العلام اللي في صورة ايه - 00:35:51

ها؟ اختاروا الكفر برضه. وعلشان كده اقتل بدرى اقتل بدرى اه ما تفكرش اوعى دماغك يلعب في مسألة القضاء والقدر ولو كان عندك شبهة ابقي قل لي وانا لا اوضحها لك. لا ما لهاش دعوة بالقضاء والقدر - 00:36:11

اه وبعدين خل بالك حتى لو في حاجة زي كده ولهم حاجة يوم القيمة هيتحنوا لو قالوا احنا لو كنا كنا هنسلم وهنؤمن بنوح. تعال يا اخويا. تعال انت وهو. خش في الامتحان - 00:36:24

امتحنوا يوم ده لو فيه هيتحنوا وهيسقطوا طب مين اللي هيسقطوا. ليه؟ لأن ربنا لما يقول لهم روحوا ادخلوا النار وكلام مباشر من رب العالمين. روحوا ادخلوا النار - 00:36:43

المفروض يكلمني تسيبى ولا ما تسمعشى؟ سامع حاضر سمعا وطاعة لك يا رب. اروح اروح النار ما اروحش النار ليه ده ده المؤمن بقى وهيطلع عدل على النار عدل ويلقاها ايه - 00:36:58

الثاني يقول لك لا نار اهي لأ دى زي ما قال هنا كان هيقولها ايه؟ هي هي هو. فالشاهد يعني ايه؟ اوعى دماغك يعني يروح شمال ولا يمين وتقول بقى ان - 00:37:11

ربنا لأ اوعى تفهم حاجة زي كده ابدا تفاصيل الاغراق بقى سام اغرقنا بعض الباقين قال عنها رب العزة وفجرنا الارض عيونا. ما انا بقول لك بقى في صعوبة بقى وتعزيب. فجرنا الارض عيونا - 00:37:23

طبعا عشان ماتوا كلهم ما ماتوش سهل كده تلاقي الارض فجرت عيوب. طب هنروح فين يا جماعة ابنه من ضمن يطلع فوق الجبل طب الجبل الماية اه الجبل الماية طلعت لحد الجبل. طب وبعدين هاروح فين تاني - 00:37:37

دي عزاب نفسي لحد ما ايه ها ما الماية تيجي. وتجبيه لحد نصه وبعدين لحد سدره وبعدين كذا. كل ده عمال يموت ايه ها يموت ببطء طب يدور يمين شمال اروح فين يعمل ايه ما فيش. كلها مطماية. وبعدين ماية طالعة من تحت وماية نازلة منين؟ طب هنروح فين يا جماعة - 00:37:55

هنتداري فين؟ كل ده دي نفسها في حد زاتها ده عزاب بعدين لسة بقى ايه فاغرقه فادخله ايه نراه ختامها كلها ان في ذلك لايه؟ القصة دي كلها كده - 00:38:15

قصة سيدنا نوح واللي معه ان في ذلك ذلك دي تعود على مين؟ على القصة اللي زكرت دي. وانه زات لي دي اسم اشارة للايه لان فعلها بعيدة بعد زمانى وبعيدة بعد في الوحي مين كان يعرفنا اصلا الحاجات ديت ده جاية لنا - 00:38:32

من بعيد بعيد فيجي اسم الاشارة ايه ها ذلك لايه وما كان اكترهم مؤمنين اكسر الناس وحال الناس مؤمنين وان ربک لهوى العزيز الرحيم. سبحان الله! العزيز تسع مرات تتكرر. العزيز الرحيم. ليه - 00:38:52

عزيز عز وغلب ما حدش يقدر يغلبه غالب وعزة مش تحتاج دعم عبادة الناس عز عنها وترفع وتعالى ورحيم يعني لو رجعوا له هو بهم ايه رحيم لاني عزيز مش رافهم خالص - 00:39:13

يبقى ما بتجييش الرحيم انما برضه في جنبها ايه ها راح عزيز ورحيم. مش تحتاجكم بس رحيم بكم قربوا منه يقبلوكوا عزيز ورحيم بعدها قوله تعالى كذبت عاد كذبت المرسلين. برضو - 00:39:35

ده هي عاد واحدة اه اذ قال لهم اخوهم هود الا تتقون الى اخر الایه؟ مجموعة الایات دي قال ابن كثير عدوا دول كانوا يسكنون الاحقاف. ايش الاحقاف؟ جنوب جزيرة العرب - 00:39:56

يعني اخر حاجة في السعودية اللي ملزقة لليمن اللي هي مجاورة للايه؟ اهي المنطقة دي المنطقة دي بعرض لشبة الجزيرة العربية كده. دي منطقة الاحقاف جبال الرمل اللي تحت دي. يقال بقى ان كانت هناك حضارة واتردمت تحت الارض. ما علينا. المهم كانوا هم في المنطقة دي - 00:40:15

قريبا من حضرموت متاخمة لبلاد اليمن كان زمانهم بعد مين؟ بعد سيدنا نوح هو الترتيب الزمني كده بعد نوح وحتى عاد كمان من سلالة نوح وهو ده من سلالة نوح ما يجي اخوهم اه - [00:40:37](#)

واضح كده؟ كان زمنهم بعد زمن نوح عليه الصلاة والسلام لان القرآن بيقول كده واذكروا اذ جعلكم خلفاء من بعد قوم نوح وزادكم في الايه في الخلق بسطة كانوا في غاية القوة - [00:40:56](#)

ربنا قال عنه في مكان تاني لم يخلق مثلها طبعا لم يخلق مسلها دي يبقى لا يمكن يجي زيها لن يخلق مثلها في البلاد. يبقى هي مرة وعدت وخلاص. عجيبة فعلا كانوا حاجة صعبة جدا - [00:41:15](#)

قوة ايه وبطش ايه وطول ايه وشدة ايه حتى الارزاق باتعهم كانت واسعة والاموال كتير والجنت كتير والزرع كتير حاجة كده يعني ايه من كل ناحية قال الفيروز ابادي عاد - [00:41:30](#)

هو اسم عربي عاد عاد كذبت عاد للمرسلين. عاد ده اسم عربي والعاديين اللي هم المنسوبين لعادي يعني كانوا بيتكلموا اللغة العربية عادي والاسم ده مشتق من العداون والاعتداء عاد يعتدوا - [00:41:46](#)

عاد بتوع عداون واتكلموا باللغة العربية طبعا وكانوا ينتمو لسيدنا نوح وبرضو سيدنا هود ينتهي لايها؟ لسيدنا نوح عليهم الصلاة والسلام كذبت عاد المرسلين وقلنا هو هو الرسول اللي قالهم ايه ها - [00:42:06](#)

اصول واحد بس اللي هو سيدنا هود وتكذيب واحد زي تكذيب المية اربعة وعشرين الف تكذب واحد زي تكذب المية اربعة وعشرين الف اه اذ قال لهم اخوهم هود اخوهم نسبا - [00:42:29](#)

نسبا لا جينا انما المؤمنون ايه؟ يبقى از قال لهم اخوهم هود اي اخوهم نسبا وليس ايه؟ في الدين. اني لكم رسول ايه امين. نفس الكلام برضو لازم يكون ايه؟ امين. وفعلا كان امين. بدليل هم نفسهم - [00:42:43](#)

شهدوا لامانة سيدنا هود في سورة هود نفسها بيقولوا له ايه بقى بيقولوا له ان نقول الا اعتراف بعضه ايه؟ يعني انت يهود كنت عشرة على عشرة قبل ايه؟ ما تقول لنا اعبدوا - [00:43:05](#)

والله ايه؟ من اول ما بدأت تتكلم في الموضوع ده وانت باین عليك فيه حاجة حصل لك حاجة انت اصلا امين قال لهم ايه بقى قال لهم زكراهم بتلات حاجات موجودين في الصورة دي مش موجودين في اي حلة - [00:43:22](#)

والجاجات دي هي مأخذ اخزها عليهم يعني هي ايه موضوع الدعوة نفسه ما اتكلمش معهم هنا في السورة في موضوع الدعوة الا كلام عام كده ان امرهم بتقوى الله بس كده. انما التفاصيل ويعملوا ايه ويسيروا ايه؟ مش هنا. موجودة في الهد وفى الاعراف. بس هنا انكر عليهم تلات حاجات - [00:43:37](#)

والتلات حاجات دول زي ما هنشوف ليه هو بانكر عليهم تلات حاجات لان التلات حاجات دول هم المشكلة قال لهم ايه بقى؟ بيقول لهم اتبون بكل ربع اية تعبتون؟ - [00:44:02](#)

وتتخذون مصانع لعلكم تخلدون واذا بطيشتم بطشتم جبارين فاتقوا الله واطيعوه ايه بقى التلات حاجات دول قال ابن كثير اختلف او اختلف المفسرون في الربع. ما هو بيقول لهم ايه؟ اتبون - [00:44:15](#)

دي همزة استنكارى اتبون بكل ربع اية تعبتون فاختبوا له ايه الربع ده؟ المفسرين اختلفوا في الربع. قالوا الربع ده المكان المرتفع عند جواد الطرق احنا عندنا الربع اللي هو ايه - [00:44:34](#)

ربع الارض ربع الشقة ربع البيت مش كده؟ الريح يعني الفلوس الريح ده المكان مرتفع تيجي مسلا في طريق حيوي طريق متفرع طريق ايه او ثلاثة بيجوا بقى في الحلة حلة عالية كده في مفترق الطرق دي ويقوموا خابطين ايه؟ مبني ابن لزينة - [00:44:55](#)

اللي هو اسمه الايه ها اية اية اتبون بكل ربع اية مش مبني هي الاية بتتنبئي الهيئة بتتنبئي يا اخوانا الاية اما طرة او تقرأ او تتنلى اتبون بكل ربع اية تعبتون؟ يبقى خلاصة اقوال اهل العلم في الربع - [00:45:17](#)

الريح يعني ايه؟ مكان مرتفع في الطريق عام مشهور متفرع منه طرق يعني مكان كده بيعملوا فيه ايه بقى؟ بيبنوا بيبنوا ايه؟ بيبنوا مبني بس القرآن ما قلش مبني قال ايه ها؟ اية ايه - [00:45:50](#)

لان اللي بناها اساتزة في فن المعمار لدرجة ايه ؟ القرآن يسميها اية ؟ اية ده الاية دي معروفة ان الاية دي من عند ربنا معجزة اية حاجة كده حاجة مش يعني صعبة - [00:46:11](#)

لا اية بقى وبعدين اية ايه تعبت يعني محتاجين المبني ؟ لأن المبني مش محتاجين اصل اطلب لهم عملوه ليه هو كده بنين لكم ان احنا يعني ما فيش زينا. فعلا كده - [00:46:28](#)

لان هم قالوا كده بموقع تاني. قالوا من اشد منا قوة يعني انسى موضوع الفراعنة والهجرة اللي احنا عمالين نقوله والاهرامات ولا بيجي جنبهم صفر على الشمال خالص ما تقالش عليها اكل. يا في النهار فرعون ما اتنطع وقال له - [00:46:50](#)

يا هامان ابني لي صرحا سماه صرح ولا ما سمهوش ما قالوش ابني لي ايه ؟ هنا اية ده القرآن اللي بيقول اية اية ودوكها كان عاوز يتصرّح عشان يطلع فوقه وهم مش محتاجين - [00:47:10](#)

تعبتون تعبس يفعل ذلك عبئنا للاحتياج بل لمجرد اللعب والله اظهار القوة. ولهذا انكر عليهم نبيهم ذلك ليه ؟ لانه سيدنا كسرى ما زال بيقول يعني لانه تضييع للزمان هم عشان يبنوا مبني - [00:47:27](#)

بالمواصفات دي هيأخذ وقت مش كده ولا ايه ؟ بس ما تفرقش هي الناس ناس صايحة ما لهاش شغلة صحة وكل حاجة موجودة. اه فتضييع للزمان هو الزمن له قيمة عندهم اصلا - [00:47:48](#)

واتعب للابدان ابن كسرى بيقول كده. قد يعلي الزمان واتعب للابدان في غير فائدة واشتغال بما لا يجدي في الدنيا ولا في الآخرة فعلا اشتغل ما يفديش حاجة دين ولسه هتشوف انت ده انت هتشوف العجب والله - [00:48:03](#)

لان اوعي تكون فاهم ان دي قصة في القرآن وخلاص فهنا سيدنا هود بيقول لهم ايه ؟ اتبون بكل ربع اية تعبتون وتتخذون مصانع لكم تخلدون. ايه المصانع ده برضو ؟ العلماء - [00:48:20](#)

اصل مشكلتك مني اصل الناس دول اندفنا اندفنا فلما اندفنا المعلومات عنهم ايه ها اه قال ابن كسرى قال مجاهد المصانع البروج المشيدة تمشي. وانا شايف ان دي احسن الاقوال. بروغ مشيدة والبنيان المخلد - [00:48:39](#)

وفي رواية عنه عن مجاهد برضه بروج الحمام ما شتمش بس يعني. قال ابن عاشور في المصانع الايجابية المحفورة في الارض وحاجات كانوا بيبنوها في الارض بيسموها سحريك تهريج تحوش مية - [00:49:00](#)

يحوشو فيها الماءة وقيل هي قصور تمشي بسور قصور برضه المصانع وتتخذون مصانع يعني تتخذون ايه ؟ قصورا كل ده انفاق للوقت والمال والجهد لا موضوع يخصه دنيا ولا ايه ولا هم محتاجينه. يعني محتاجين مسلا قصر ده عشان يقعدوا فيه ابدا - [00:49:18](#)

ممکن مسلا ايه يضيعوا فيه شوية وقت كده بس او بینوه كده ويبيصوا له كده بس وخلاص طب نعمل واحد تاني نعمل وفارقون. ايه ؟ اه ازهار للقوة اه. طب نعمل واحد تالت نعمل - [00:49:45](#)

الحنة دي عاوزة برج نعمل فيها برج مش عشان بسكنوه. طبعا انت تلاقيك عمال تكز على سانك انت مش لاقى شقة وناسك عمالة تبني براج وايه ها ما تسكنهاش تقول طب ما تودوني. اقول لك روح الربع الخالي وانكش - [00:50:02](#)

اه وانزل تحت يمكن تلاقي الايه ؟ بيقولوا بيقولوا الحضارة بتاعتھم هناك. رح انكش يمكن تلاقي ايه الشقة هناك حلو. بس شف مين اللي هيقعد معك فيها بقى بعد ما تلاقي الشقة ايه المهم - [00:50:18](#)

تتخذون اتبون بكل ربع اية تعبتون تناقض عجيب فعلا اية وتعبس ! طب الانسان الحاجة الاية دي يعني يحترمها انما يعبس بها اه ما لهاش لازمة مش عاوزها مش عاوز مش هقدر فيها اصلا. الامر الثالث اللي سيدنا هود انكره عليهم وهنعرف ليه انكر اصلا - [00:50:32](#)

بيقول لهم وازا بطيشتم ايه جبارين ابن عاشور قال كلام يعني ممكن يقبل وممكن لا يقبل بيقول ايه ؟ بيقول هزا من عدم التوازن في العقول فهم ببنون العلامات لارشاد السبيل. الاية دي عشان ترشد الناس وتدل الناس اللي ماشيين في الايه - [00:50:56](#)

في الطريق يعني. ويصنعون المصانع لاغاثة العطاش برضو ماشي انا بقول مش بس مش ماشي ليه لان هم مش قصدتهم كده خالص. بس هو بيقول كده ماشي هو عاوز يقول التناقض جاي منين يعني ؟ - [00:51:21](#)

يبيقول طبعا بيعملوا حاجات للناس ترشد الناس و حاجات صهاريج ميه للناس تشرب ميه وفي نفس الوقت اذا بطشوا بيطشوا ايه يعني لو ضربوا حد ولا عملوا حاجة في حد ما بيرحموش - 00:51:36

و اذا بطشتم ايه بيطشتم جبر في افراط في الشدة على الناس في البطش لما بيجروا يواصلوا يضربوا ولا حاجة ولا يعاقبوا عقوبة بتبقى ايه صعبة جدا اذا بطشتم بيطشتم ايه؟ جبارين. فيبيقول ده تناقض منين بتخدموا الناس او بتعمدوا حاجات للناس؟ ومنين لو الناس غلطت ها - 00:51:53

ما بترحمهمش اه التلات حاجات دول سيدنا هود ايه انكرها عليهم تبنون بكل ربع اية تعبثون يتخدون مصانع لعلكم تخلدون اذا بطيشتم بطيشتم ايه جبارين بطيشتم بطيشتم جبارين التلات حاجات دول ليه سيدنا هود؟ قال بيقول لهم التلاتة دول - 00:52:16 او هم عنوان لايده يدله على ايه؟ اه دى اللي عليه. نتأمل بقى التلات حاجات دول بالزات. في سورة الشعراة بعد ان سيدنا هود هو صاهم بتقوى الله او صوم بتقوى الله. اتقوا الله واطييعوه - 00:52:44

انكر عليهم الامور التلاتة دي ومش موجودة في السور الثانية لا في الشعراة لا في الاعراف ولا فين ولا فيه هود ينفش في هود في الاعراف وهو ده يا قومي اعبدوا الله ما لكم - 00:53:05

لان هي دى اساس الدعوة بتاعتته. اعبدوا الله ما لكم من الله غيره. اعبدوا الله ما لكم من الله غيره. افلا تتقون؟ ان انتم الا مفترون. ها التلاتة دول هي بقى؟ لان هزه الامور التلاتة - 00:53:24

هي سبب رفضهم الدعوة ايه اللي مخلي الناس ترفض الدعوة دي؟ ليه؟ ليه لان هم ما فيش حاجة ناقصاهم ما فيش حاجة ناقصاهم صحة و موجودة وعيال موجودة و زكاء موجود والتمكن في كله. هم التلاتة دول سبب رفضهم لايده - 00:53:38

للدعوة. والتلاتة دول عنوان الترف والمترفون هم اعداء مين؟ هم اعداء الرسل. يعني مش مترفين اونطة لا ده مترفين بحق وحقيقة اصل ممكنا واحد يبقى مترف كده يعني الرياسة من الطرف - 00:54:08

ممكنا يبقى مترف مدة بتاعتته بس وبعد كده يتقلب يروح شمال يروح يمين. راحت الليلة. انما دول مترفين ايه ها بحق متمكين او في فجاب لهم التلاتة دول يا جماعة ده انت عنديكم كذا يا جماعة مش كده - 00:54:29

اللي هم التلات اشياء دول اللي كانوا سبب لرفض ايه دعوة سيدنا هود وهي دى اللي ماشية على طول. ليه بقى لاني عادي يا اخوانا ما خلي بالك ما هو من الطرف الاية بتقول تعبسون - 00:54:45

واحد له طرف مترف ايه رأيك في العيال اللي بيعملوا السباق للسيارات شف انت مش عارف تصلح العجلة اللي عندك. صح ولا مش صح والكاوتتش يتخرم تقول الله الله لا يكسبركم يا بعد. انا مش لاحق اجيب كاوتتش. والكاوتتش بقى بيميت جنبيه ولا بكم دلوقتي - 00:55:04

ها وتدعي عليهم مية وعشرين؟ اه ومش لاحق اجيب كاوتتش ومش لاحق اصلاح. ده انا عملت مش عارف ايه في الموتوكسيكل. صرف علي سبععميت جنيه الف جنيه زي واحد حبيينا. ها؟ مش لاحق - 00:55:25

وتلقي واحد راكب عربية وبيسابق و بتتقلب وينزل ويسب خطأ فني ازاى تتقلب شوف صدقة السيارات شوف سبق السيارات ده طرف ولا مش طرف طرف ولا مش طرف؟ اعلى احلى موديل واكسرها وما تفرقش. عشان في خطأ فني. ويعرف الخطأ فين عشان يعالجه - 00:55:39

اه سباق اهي ليه بقى؟ لان عاد ما خلصتشي عاد عماله تولد عاد بتولد بتولد ايه؟ بتولد عادة عاد بعد عاد بعد عاد. رب العزة في سورة النجم بيقول ايه؟ وانه اهلك عادني الاولى - 00:56:04

وتمود فما ابقي. مين عاد الاولى؟ اللي يعدي اللي معنا ده. اللي قالوا ايه؟ قالوا من اشد منا ايه اللي بيبنوا بكل ربع اية يعبسون ويتخزون مصانع. وازا بيطشوا بيطشوا دي عالاولى. وربنا - 00:56:31

اهلكها واهلك عادي الایه؟ الثاني. عارف عاد السانية مين؟ قال اهل العلم ليسموت اللي بعددهم على طول دى عادت تانية. طب وعادي الثالثة والرابعة والخامسة والعشرة وعاد مش هتبطل. اه. عادي اللي بعد كده زي السبع ما هو - 00:56:50

منذ العاد جه يعني ايه عاد يبقى خلاص عاد يعني الامة اللي بتقول ما حدش قدی. تبقى ايه ها؟ تبقى عاد سبق عملوا كده كان نفس الكلام. ربنا مكن لهم بلدة طيبة ورب غفور - [00:57:10](#)

عملوا ايه؟ وایه؟ ويمشوا ويسافروا البلاد امان امان امان. انعدوا في بلد ويتعشوا في بلد ويقطروا في بلد حاجة في منتهي الها جعلنا بينه وبين القرى التي باركنا ايه؟ فيها قرى زاهرة. قالوا لا لا ايه ده - [00:57:29](#)

وانتم عاززين ايه؟ عاززين ما حدش يقدر يسافر الا الرجالة. احنا بس. يعني ايه برضه؟ يعني البلد تبقى بعيدة عن ايه؟ يعني الناس تنتوه يمتووا يتسرقوا السباع تاكلهم ما يقدرش على السفر الا مين - [00:57:45](#)

الا الرجالة فقالوا ربنا طب دي دعوة دي اخواننا باعد بين اسفارنا باعد وبأه في قراءة بعد بين اسفارنا ليه؟ هو كده يبقى دي عاد سبق تبقو ايه ها - [00:58:05](#)

عاد كده سبق عاد. وخلصت خلاصت فهزقناهم ايه؟ كل ممزق. جت عاد الحديثة. مين عادل حديث تبأى ها معندي ربع جنيه مغلقني عاد الحديث ها؟ امريكا دي عاززة كلام. انتم خايفين تتكلموا؟ نعم، خايفين من حد - [00:58:28](#)

بنسائل حضرتك. عاد الحديثة عاد الحديث من اشد منا قوة يبنون بكل ربع اية يعثرون سفن الفضاء عبث لازمتها ايه؟ احنا مأمورين بعمارة الارض واحنا خلفاء في الارض. ما نعمر الارض ونأكل الناس ونحيي الشعوب. طالعين فوق نيمي ليه - [00:58:55](#)

استعراض عضلات لابص عليكم نشووفكم وما تشووفوناش صح ولا مش صح؟ تعبثون الله! مش فيه رحلات هتططلع للفضاء بعد كده! رحلات سياحية! احجز يا اخويا اتجدعن انت وهو قرب واعمل جمعية عشان آآتحجز لك. فيه رحلات في رحلات سياحة - [00:59:19](#)

حد يضوي يطلع فوق ولا مش ناوي ويبقى انت متخلفين لازم تطلعوا واتحداكم انطلق به كل ايام ليطلع ناس من اويس ومش هتططول، هيططلع ناس من اويس راح فين؟ راح الفضاء يا جدع - [00:59:37](#)

اطلع تعال نشوف والدنيا فوق عاملة ايه. ايه لازمتها؟ تعبثون بكل ربع اية تعبث استعراض عضلات عازز اقول لك ان احنا ملکنا البر والبحر والجو ملکنا كل شيء - [00:59:55](#)

كل شيء واتخزنا مصانع اتخزنا مصانع ومن العبث لو انت عاززين تعمروا او انتم طب عبروا القصد خلصوا الارض يا مفاغة الارض مليانة صحراء. يا اخي ده المشواك قمح يفيفضوا منهم - [01:00:13](#)

قمح يفيفضوا منهم عشان سعره ما ينزلش يرموه للسمك والرفاع ما يكلوش القمح وسعره ما ينزلش. وطالع يعمر الفضاء ما هي دي عاد هي دي عاد. دي عاد الحديثة. واذا بتطشو بتطشو جبارين لما ضربوا اليابان - [01:00:31](#)

شف عملوا ايه وده سلاح ينضرب به هو السلاح النووي سلاح يا اخوانا ليه يا اخوانا بتطش جبارين. طب ليه الاخضر واليابس وكله كله يموت ليه؟ ليه ليه واذا بتطشت بتطشت ايه - [01:00:51](#)

اه اي حد يضرب بالسلاح النووي فيه عاد اللي في سوريا اللي كان بيرمي عليهم البراميل الحارقة من عاد ده من عاد اووعى تكون فاهم عادي خلاص اللي اندفعت في الربع الخالي لأ عادة عمالة تولد - [01:01:11](#)

عاد عمالة تولد يبنون عاد من العدوان والاعتداء عاد من العدوان ومن الاعتداء مش هيخلصوا مش هيخلصوا جبارين ازا بتطشو بتطشو الجبارين يذلوا الناس يأزووا الناس يعملوا الحاجات يستعرضوا عضلاتهم ويستعرضوا امكانياتهم وقوتهم - [01:01:29](#)

اما المسلمين ما عندهمش قيمة خالص خالص رحمة ما بيستعملوش حاجة لا ورحمة للناس فنسأل الله ان ينفعنا بما علمنا وان يعلمنا ما ينفعنا ونكتفي بهذا القدر وصلى الله وسلم - [01:01:55](#)

يقول الشاب الذي يصر على الصلاة في غير المسجد وانه افضل من الذي لا يصلی مطلقاً لذا يصلی في بيته او مكان وجوده سوى المسجد هو افضل صحيح من اللي ما بيصلیش - [01:02:11](#)

هو افضل بس مشكلته ان ليه بيقارن نفسه بالايده؟ بالاسفل انت بتقارن نفسك من اللي ما بيصلیش خالص فانت قارنت نفسك بالاسفل فطالما قارنت نفسك بالاسفل يبقى هتنزل الى الايه؟ الى الاسفل - [01:02:28](#)

لكن لما تقارن نفسك بالاعلى يبقى ايه؟ هتططلع فوق هتططلع فوق. لما تقارن نفسك بسيدك رسول الله اللي عمره ما صلی في البيت ابدا

اا في مرض مorte اللي ما كانش قادر يقوم. بس غير كده ما صلاش الا في المسجد. ما تقارن نفسك به - [01:02:49](#)

قارن نفسك به انما تقارن نفسك بواحد ما بيصليش اه هو اه انت احسن حالا منه بس ليه بتنزل تحت تطلع فوق ما تقارن نفسك بواحد ما بيصليش خالص. يقول بعض العلماء - [01:03:09](#)

حديثا اه وما ادرك ما العلماء حديسا. العلماء حديسا دول حديسا حديثا آآ ان الامر في القرآن للوجوب اما في السنة الاستحباب. مين اللي قال كده مين اللي قال كده؟ ما فيش فرق بين القرآن ولا سنة - [01:03:22](#)

الاتنين حته واحدة باتنين حته واحدة اوتيت القرآن ومثله معه بيقول اما في السنة فللاستحباب يعني ايه مسلا؟ طب هجيب لك امر في السنة وشف يمشي على الاستحباب ولا ما يمشيش. يعني لما يقول رب العزة سبحانه اي يقول الرسول عليه الصلاة والسلام - [01:03:39](#)

صلوا كما رأيتموني ايه؟ طب انا عاوز يبقى الاستحباب لأهصللي هصللي بس مش هصللي زي ما هو ما هو كما ايه كما رأيتموني كما رأيتموني حصل لي هاعتبره الاستحباب خلاص يبقى صلي على مزاجي بقى - [01:03:57](#)

انما الامر للوجوب وللاستحباب اه صلوا كما رأيتموني يصللي للوجوب وللاستحباب؟ للوجوب يعني لو صليت غير الطريقة اللي صل بها سيدنا النبي صلاة ايه؟ مطلة. واضح؟ لما يقول خذوا عنى - [01:04:21](#)

مناسككم. ده للوجوب وللاستحباب للوجوب طيب لما في اوامر مش موجودة في القرآن خالص موجودة فين؟ في السنة. هنمسيها على الاستحباب؟ يعني نهى رسول الله صلى الله عليه وسلم ان يجمع الرجل بين المرأة وعمرها - [01:04:38](#)

والمرأة وختتها خلال الاستحباب خلاها الاستحباب. اذا كانت البنت وعمرتها راضيين يبقى خير وبركة. مش كده ولا ايه ما هو للاستحباب بقى ولا للوجوب مع انه موجود فين مش موجود فين اصلا - [01:05:00](#)

لان اللي موجود في قرآن وان تجمعوا بين مش موجود اصلا الجمع ده الاتنين حته واحدة الامر امر اكبر الابناء كان بينه وبين ابيه مشكلة وسأله العلاقة مع ابيه وهجر الابن اباه - [01:05:19](#)

ولم يزره ومرض بالسرطان اللي هو الاب يعني وطلب الاب من ولده الزيارة فلم يحضر فاوصى الام بعدم دخول البيت الواد يعني يدخل البيت وعدم قبول اي مساعدة والام متحرجه من تنفيذ الوصية - [01:05:38](#)

لا حول ولا قوه الا بالله طبعا الولد ده ارتكب كبيرة من الكبائر وهو على خطر عزيم جدا يعني ابوه يموت وفي هجر بينه وبين ابيه وابوه مرض ويطلبوا للزيارة وما يروحشى - [01:06:02](#)

يعني انا هجيب البعيدة هب ان اباك كتب لاخواتك وحرمك اهو ما قالش هنا بس انا بقول لك عمل دي وارد ولا مش وارد واردة كتب لاخواتك وما ادلکش حرمك خالص - [01:06:22](#)

بس ابوك مرض ومرض الموت وطلبك للزيارة ابوك زالم بس انت كده زالم ولا اه ان كان ابوك ظلم هيتحاسب على ظلمه طب وانت هتحاسب هتحاسب فطبعا وارتكب كبيرة من الكبائر فبالم بقى موقفها ايه ما تنفذ وصية الاب - [01:06:41](#)

يعني تسمح لابنها ان يأتي ويدخل البيت يعني الولد لو هيجي بييجي سببه بييجي ما تنفذ وسيط الاب لان الطاعة في المعروف كما في صح في حديث سيدنا علي ان الرسول صلى الله عليه وسلم ارسل سرية - [01:07:13](#)

وامر عليهم احد الصحابة وقال لهم تسمعوا له وتطيعوه فحصل بينه وبينهم شوية فقال لهم مش الرسول قال لكم تطوي عيوني؟ قال له اه. قال لنا نطيعك قال لهم ابن حطب جمع حطب قال لهم اشعلوا في الحطب نارا اشعلوا النار. قال لهم ادخلوا النار دي - [01:07:30](#)

مش هاقول لكم اسمعوا كلامي خذوا الله بدأوا يتكلموا مع بعض ويتشاوروا مع بعض موضوع عاوز ينفz الكلام يعني في النهاية اتفقوا على انه لأ ده احنا اصلا فربينا الى رسول الله منين؟ من النار. هنيجي نخش النار - [01:07:49](#)

فما دخلوش فلما رجعوا حكوا ذلك طبعا ايه فضلوا بقى يتكلموا ويتشاوروا لحد النار نفسها ما هندت وخدمت ما بقتش في نار فزكروا ذلك لرسول الله صلى الله عليه وسلم فقال لو دخلوها ما خرجوا منها الى يوم القيمة - [01:08:05](#)

لو دخلوها ما خرجوا منها الى يوم القيمة ثم قال الطاعة في المعروف رواه البخاري الطاعة في المعروف. انت طاعة جوزك في ان ايه ابنك بيجي بييجي البيت يجي. يجي يزور امه يجي يكفر عن سيناته. هو الولد ده يكسر من الطاعات - 01:08:23 وخصوصا لابيه لابيه. يعني كان ابوه ما حجش يحج له ابوه هو يعمل له صدقات يدعى له كتير يزوره كتير كده يعني. لأن اللي عمله ده في حق الاب كبيرة من الكبائر وصلى اللهم وسلم وبارك على سيدنا محمد - 01:08:47 وجزاكم الله خيرا - 01:09:02